

吉石齋叢書二集

廬山記序

余昔者讀書山中愛其泉石塔廟之

志之不詳遺古略近或出於愚夫野老之語言

辭贅可取者無幾將討論刪次之未皇暇也後二

十年讎書秘閣得廬山記欣然以喜以爲夙願獲

遂而考而所載疏略尤甚熙寧五年嘉禾陳令

舉舜俞謫官山前酷嗜遊覽以六十日之力盡南

北高深之勝畫行山間援毫折簡旁鈔四詰小大

弗擇夜則發書攷之至可傳而後已其高下廣狹

山石水泉與夫浮屠老子之宮廟逸人達士之居
舍廢興衰盛碑刻詩什莫不畢載而又作俯
視之圖紀尋山先後之次泓泉塊石無使遺者成
書凡五卷後三年余守吳興令舉扁舟相過以余
山前之人也出藁見授請鏤諸板藏之山間會余
蒙恩移濟南遽與之別令舉尋復物故余益以
事役牛犇走四方思一旋歸茫不可得輒序其樂
述之勤貽好事君子庶幾成令舉之志

充秘閣校理李常序

予雅愛廬山之勝弃官歸南遂得

之陽游覽既久遇景亦多或賦或錄雜

將欲次之而未暇也廬山中人曹東令舉以言事

於是邦山林之者所同相與素黃橫往來山間歲月之幾遂得窮探極觀無所不究令

舉乃採子所錄及古今之所紀者舊之所傳與夫

耳目之所經見類而次之以爲記其詳蓋足以傳後

予材不可以應時宜退老於林壑今舉以制策擢

上第名殷赫赫驚世任不二十歲乃廢於篋庫

而與予共見於此記甚可惜也然推古以較今豈

特一令舉為可惜哉江西劉渙序

了

廬山記卷第一

尚書屯田員外郎嘉禾陳舜俞令舉撰

摠叙山水篇第一

案太史公曰余南發登廬山觀禹九江前漢郊祀志云軋封中武帝浮江自尋陽出樅楊過彭蠡禮其名山大川桑欽水經云廬江出三天子都北過彭蠡縣釋惠遠廬山略記曰山在江州尋陽南南濱宮亭北對九江九江之南江爲小江山去小江三十餘里左挾彭蠡右傍通川引三江之流而

據其會山海經云廬江出三天子都一日天子障
故舊語以所演為鼓鑿雖有匡俗先生者出自躬
周之際遜世隱時潛居其下或云俗受道仙人共遊
此山遂託空崖即巖成館故時人謂其所止為神
仙之廬因以名山焉其山大巔凡有七重圓基周
回垂五百里風雲之所據江湖之所帶高崖反宇
峭壁萬尋幽岫窮巖人歎兩絕天將雨則有白
氣先搏而瓔珞於嶺下及至觸石吐雲則倏忽而
集或大風振崖逸響動谷群籟竟奏奇響五

人此其變化不可測者矣衆嶺中第三嶺極高
峻人跡之所罕徑也昔太史公東游登其峰
而遐觀南眺三湖北望九江東西肆目若陟天
庭焉其嶺下半里許有重巖上有懸崖倚有
石室即古仙之所居也其後有巖漢董奉在館
於巖下常為人治病法多奇神絕於俗醫病
愈者令栽杏五株數年之中蔚然成林計奉
在民間二百年容狀常如二十時俄而昇舉
遙絕迹於杏林其北嶺西崖常有懸流瀑

靈澈勢相趣百餘仞中雲氣映天望之若山
在霄露焉其南巔臨宮亭湖下有神廟即以宮
亭為號安侯世高所感化事在敝山北篇七類同會
於東共成峰巒其崖窮絕莫有昇之者有野夫見
人著沙門服凌虛直上既至則回身踞鞍良久乃興
雲氣俱滅此似得道者當時能文之士咸為之異又
所止多奇觸象有異北背重阜前帶雙流所背之
山左有龍形而石塔基焉下有甘泉涌出吟暖與寒暑相變盈減
經水旱而不異尋其源似出於龍首也南對高岑

北望漁江盤石可坐數人鳴泉過其下此山皆僧
庵之最佳者雲慶寶積皆在寶嚴之南由雲
慶還寶嚴亦三里寶嚴之東十五里有下龍
泉院太一觀北列有龍泉庵此以下別之由龍泉
十里至尊勝庵由尊勝庵八里至白鹿臺由白
鹿臺十五里至仁壽院由仁壽十里至香積院由
香積三十里至長嶺院長嶺者彭蠡湖之別嶼也
凡下龍泉至香積非在山間然山人野客窮覽幽
遠皆嘗至焉水聲野色有足佳者香積之西二

十里有山南開先寺之場圃曰大富莊過大富則
遊山之南矣寶巖之西一里至龍池庵舊名冒峯
由冒峯五里至庵出莊由庵出莊一里至禪智
院舊名淨居其後有綠野亭由禪禪智五里至
大中祥符觀舊曰董真人本一宮祥符中賜今名葛洪神仙傳曰名奉字君異閩中候
官人少有道術交趾太守士燮死已三日奉以一丸藥
與服以水含之捧其頭搖指之食頓開目動手顧
色漸復半日能起坐四日能語遂復常職後居
廬山治人之疾不取貲幣使愈者人植杏五株
十一

上有奇木獨絕於林表數十丈其下似一層佛浮
圖白鶴之所翔玄雲之所入也東南有香爐山孤峯
秀起遊氣籠其上則氣若香煙白雲映其外則
曷然與衆山殊別天將雨其下水氣涌起如車馬
蓋此身龍井之所吐其左有翠林青雀白猿之
所憩玄鳥薊北之所蟄西有石門其前似雙闕
壁立千餘仞而瀑布流焉其中鳥歎草木之美
靈藥方物之奇焉可得勝名哉略舉其異耳劉
昭注續漢志酈道元注水經並用惠遠語又豫章

舊志云俗字君平夏禹之苗裔也或曰字君孝父
東野王與吳芮佐漢定天下而亡漢封俗於酈陽曰
越廬君俗兄弟七人皆好道術遂寓精於洞庭之
山故謂之廬山張僧鑒尋陽記云山南有三宮所
謂天子都也廬宮溪水出焉上宮人所不至有三
石梁長十餘丈閣繞盪赤其下無底其中宮在
別巖悉是文石兩邊有小圓峯奇特號爲右障
峯石形若羊馬來道相對下宮數尋臨湖際宮
亭廟舊所也山高二千三百六十九周圍二百五十里其

山九疊川亦九派郡國志曰廬山疊障九層崇
高萬仞懷靈抱異包諸仙跡尋陽記又云秦始皇
七十年東登廬山以望九江至上霄峯以與霄漢
相接因命之峯後有刻石云是夏禹所刻丈赤
里數文字不可辨伏滔遊山序曰廬山者江陽之
名嶽其大形也背岷流面彭蠡蟠根所據亘數百
里重嶺殊嶂仰挿雲日俯瞰川湖之流焉王彪
之山賦賦叙曰廬山彭澤之山也雖非五嶽之數穹
隆嵯峨竇峻極之名山也孫放山賦曰尋陽南

有廬山九江之鎮也臨敷蟲之澤接平敞之原
張野記曰天將雨則有白雲或冠峯巖或巨帛
頽俗謂之山帶不出三日必雨每雨其下成潦而上
猶皎日峯頭有大盤石可坐百人以上皆述此山也
宋文墨詠賦云昔哉壯麗峻極氤氲包靈奇
以藏器蘊絕峯手青雲景澄則巖岫開鏡風
生則芳林流芬嶺奇故神明鱗萃略絕故人跡
自自分巖清外山於玄崖世高壘化於郊亭應
真陵雲以踞峯眇忽翳景而入亘咸豫聞其

清塵妙無得之稱名也若其南面巍崛北背芳
帶懸雷分流以飛湍七嶺重嶸而疊勢映以竹
栢蔚以檉松縈以三湖帶以九江嗟四物之蕭木林
爽獨秀於玄冬美二流之潺湲津百川之所衝峭
門百尋峻闕千仞香鑪土雲以象煙甘泉涌雷
而先潤梁元帝序曰夫日月麗天白雲所以自觀川岳帶地后土所以推寧廬山者亦南國
之德鎮雖林石異勢而雲霞共色長風夜作則
萬流俱響晨飈曉吟則百嶺齊應東瞻洪
井識曳帛之在茲西望石梁見柏寶之可拾誠

復慕類今賦詠不可備載實天下名山代江州有悲山中難久樊蘿結桂多見淹流
其餘古山北二十里本在大江之北北尋水之陽因名尋
陽今蘄州之蘭城焉其故城北尋和九年刺史溫嶠始
自江北移於淦城之南義熙元年刺史郭昶移居
江夏八年孟懷玉還治尋陽淦太清二年蕭大心因
侯景之辭欲依險固乃移於淦口城仍号懷玉舊
城為故州張僧監尋陽記云淦口城灌嬰所築
漢建平中孫權經北城令鑿井適中古梵得石
函銘曰漢六年賴陰侯開卜云三百年當塞後不

九